

**IV ke mama watan maray pehu pinungan
niya yuwaw mökörakis ru
köneyril ulay**

**qalang inu: söqoyaw
riyax sökönawan: 1989.9.5.
ima piqöyu: watan maray pehu
ima mönung: tesing silan
son nanu mung: siyun mu sörokuonki**

(nanu, ini biqpila uzi äga?) uw gä,
suwa niya biqan pila niya busuk la pi,
yaqih qutux köneyril kuwis uzi gä,
niya möbusuk ru suwa lux baq niya lux
mö'abi riyaniq nanak. ruma qutux ka
iy ... kiya ka yaqih mölikuy hiya
höminas löga, söbilan naha qutux ka
iy ... ruwa löru. söbilan naha ciqiri
lögä. ciqiri ga söbilan naha mörawi
lay, hömiriq gaga gani hiya la. ana
moqu hiya söbilan niya pila möga, aki
bölaq mögä. ini niya söbili pila,
söbilan ciqiri höru, ini niya söbili
pila, ungat bay ryooshin (J.) niya

qutux ka wa sömöbil ciqiri kuwis hiya
 löru. (töhilu äga kuwis?) ana töhilu
 ru ana ... töhilu ru sehu uzi Gä, (wa
 momu pungan äga, wa maha kiya äga?)
 uw mögä, (suwa momu baqun Gä?) suwa
 ini baqi, nanu qalang niya kömayal ru.
 mikahul qalang niya muwah möcisal ru
 muwah mökal hani löga, maha kiya sami,
 köneyril miyan mögä. kömayal maha,
 iy ... ta möbusuk köneyril miyan,
 ungat gaga naha köneyril miyan, riyax
 riyax mönöbuw quwaw ru köböjukan löga,
 si pötöbuci mögiyay, möpögagay
 lömögä, musa lömöru. ruma ini naha
 baqi wahan naha, si hömut mö'abi yuwaw
 riyaniq la ma (lam), kiya hazi töhyaq
 hazi riyaniq niya, muyaw niya höhalun
 niya ru. iy ... suwa niya ini töhoki
 ha. ru hazi sököruwi mö'abi riyaniq
 la, kököluxan la. kököluxan öbagan
 inöbuw niya quwaw Gä, ha ha ha
 inöbuw niya quwaw qutux köneyril
 kuwis lömöru. si hömut mö'abi la ma
 ru, nanu sömöyunaw kiya qutux iy ...
 ana sehu, ana töhilu uzi lömöga,

söbilan naha ciqiri lömöru.
 (sömöyunaw ga nanu asa?) töpöcingan
 naha la mögä. töpöcingan löru. talan
 naha niya mö'abi löga, kiya naha
 söbilan ciqiri löru, niya maha kiya
 ke naha. mikahul qalang naha, ke naha,
 yat ita hani ay. yat ta kitalan ru
 pönungan ru, si ta hömöci kömayal pi.
 nanu maki ke uzi ru, nanu maki qutux
 könita ta ga, söpöqöyu ta ru sökayal
 ta ruwa. baqun ta ga sökayal ta, ini
 ta baqi ga ini ta köliyani uzi ruwa.
 niya (wa) maha kiya ka yuwaw naha möru.
 kiya ana wa pöhkuyan pila rangi ta ga,
 kiya wa qöriqun seito (J.) lögä,
 "obasan obasan" (J.) xun niya maha
 hani ru, gas gas maha qutux ka hönukuy
 niya löga, kiya wa galun seito, kiya
 niya wa han mazi y kasi (T.J.) löru,
 laqi tepuq, ana ichinensei (J.) ru
 yochi-en (J.) la. piyanga lux möbusuk,
 lux musa mö'abi köska riyaniq. löwey
 niya cika ru, mösuwat ini köbusuk,
 wa bölaq, möbasaw löga, nö'usa (musa)
 muyaw niya löru. nanu löxan niya

mököhkangi nanak hiya köska wagi
 kököluxan, bali möhnuk kilux hugal,
 öbagan (bagan) gă. baqa bay riyax,
 niya möpong möbusuk la, niya tökögil
 tunux niya la, ru sö'abi niya riyaniq
 la. niya qutux niya töpucing hiya,
 qöyaqih na mölikuy löga, nanu ki'an
 naha ciqiri söbalay löru. ga, kiya
 mölöhngan asa ru. yat qöliyan ru, kiya
 löhngan asa ru, ana köson. bali ruwa
 sehu naha gani ha. bali huzil ha. ga,
 singa na laha ay, qutux mökura gi-ran-
 ken (J.) gani ta, qalang ulay gani
 hiya gă, niya ta söpöqöyu gani hiya
 gă. öringen öringen singa bay na ga,
 möbusuk köneyril naha ga, gi-ran-ken
 gani ta, daidoogo (J.) gani, kuwis
 baqun mu.

musa ku pöhgup ga, musa ku pöhgup
 laqi ga, niya mögölahuy, si maku
 mölikuy ga, köneyril nanak gă. mönaga
 ku eki (J.) qutux ka rompiya (T.J.)
 gani, ciya köska shobai (J.) laha ru,
 si bay mölikuy (likuy) ciya mökayal
 gabaw maha aw aw ciya maha. ay, suwa

töqöqöliyan mönöbuw quwaw, iy ... ini
 ta töqöliyan mönöbuw quwaw singa ita
 hiya ruwa. talan ga, köneyril gabaw
 niya mösösöli kiya. köneyril gabaw
 niyal iy ... ungat si töqöquwaw
 (töquwaw) son su, niya mönöbuw quwaw.
 nanu misa, niyal iy ... möqöqöyu
 möqöqöyu, pösulung pösulung ru,
 gabaw köneyril tayal löga niya lux
 mönöbuw la. köhmay lay, gabaw lay,
 köneyril tayal niya mönöbuw quwaw la,
 cipuq ini nöbuw la.

